



Hr. Hans Aronsen, Inatsisartunut ilaasortaq  
c/o Bureau for Inatsisartut  
Her

### Tunitsiviit pillugit apeqqummut nr. 2009 – 164-mut akissut

Inatsisartut Suleriaasianni § 36, imm. 1 naapertorlugu allakkatigut 11. december 2009-meersutigut Niaqornaarsummi tunitsivik pillugu Naalakkersuisunut apeqquteqarsimavutit.

Apeqqut matumuuna akissuteqarfigineqassaaq.

4. januar 2010  
Sagsnr. 2009-023721  
Dok. Nr. 284927

Postboks 1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@gh.gl  
www.nanoq.gl

#### Apeqqut:

Niaqornaarsummi aalisakkanik tunitsiviup Royal Greenland A/S-imit pigineqartup namminersortunut tunineqasinnaanera siunertaralugu periarfissaqarnerisooq, paaserusuppara tamanna anguniarlugu Naalakkersuisut Royal Greenland A/S-ip siulersuisuinut isumaqatigiinnialersaarnersut?

#### Akissut:

Aktiaateqarluni ingerlatseqatigiiffiit tamakkiisumik ilaannakortumilluunniit Namminersorlutik Oqartussanit pigineqartut pineqartillugit aktiaateqarluni ingerlatseqatigiiffiit pillugit inatsimmi aalajangersakkat nassataarat aktiaatillit siulersuisullu akornanni suliassat agguataarneqarnerisa aaqqissuussaanagerat. Siulersuisut ingerlatseqatigiiffimmi pingaarnersaallutik oqartussaapput aamma qullersaqarfisik peqatigiillutik suliassa qarfinni arlalinni matumanittaaq ingerlatseqatigiiffiup iliuusissai sularisarlugit, pisortaatat atorfinitsittarlugit il.il.. Aktiaatilik, ataatsimeersuarnermi taasisinnaatitaanini atorlugu, siulersuisuni ilaasortanik toqqaanissamut soraarsitsinissamulluunniit periarfissaqarpoq, taakku naatsorsuutigisamik naam-massinissinnaanngissorineqarpata.

Taamaattumik Naalakkersuisut naatsorsuutigaat ingerlatseqatigiiffiup immikkoortortaanik ataasiakkaanik arlalinnilluunniit tunisinissamut periarfissat siulersuisut qullersaqarfillu ingerlaavartumik isumalioqatigiillutillu nalilersueqatigiiffisassagaat.

Royal Greenland 2009-mi januarip qiteqqunnerani aalajangerpoq piginnittunut, kommuninut, SIK-mut tamanullu nalunaaruteqarluni aningaasaqarniarnerup ajornartorsiutaanera pissutigalugu Niaqornaarsummi tunitsivik matuneqassasoq. Tamatumunnga pequtaanerpaavoq nunarsuarmi saarullit akiisa annertuumik apparsimanagerat kiisalu tunisisarnerup ukioq kaajallallugu aalaakkaasuunngitsuunera.

Kisiannili Royal Greenland A/S aamma Namminersorlutik Oqartussat Niaqornaarsummi tunitsivik pillugu piffissamut 1. julimiit 31. december 2009 kiffartuussinissamik isumaqatigiissuteqarput.

Nunaqarfinni tunitsiviit matumanittaaq Niaqornaarsummi pillugit kiffartuussinissamik isumaqatigiissutissaq pillugu isummernissamut tunngavissiaq Aalisarnermut, Piniarnermut Nunalerinermullu Naalackersuisoqarfiup Inartsisartut Aningaasaqarnermut Ataatsimiititaliaanut nassuteqqammerpaa. Aningaasaqarnermut Ataatsimiititaliaq ukiortaartinnagu aalajangiinissaa naatsorsuutigineqarluni.

Taamaattumik inerniliuttariaqarpoq maannakkuugallartoq periarfissaqartoq ukiortaareerpat Niaqornaarsummi tunisisarnerup ammarneqarnissaa, tamatumani Inatsisartut Aningaasaqarnermut Ataatsimiititaliaata aalajangiinissaa apeqqutaalluni.

Naggasiullugu ilisimatitsissutigissavara, Naalackersuisut ingerlaavartumik Royal Greenland A/S –mut oqaloqatiginnittarmat ingerlatseqatigiiffiup qanoq ingerlaneranik aammalu siunissaq pillugu, ilanngullugu soorlu illit apeqqutinnut tunngassuteqartunik.

Inussiarnersumik inuulluaqqusillunga ikiortaamilu pilluaqqusillunga

Med venlig hilsen



Kuupik Kleist